

Langkah elak skuad nasional hilang fokus

Berita Harian, 3 July 1997, Page 14

Article also available on Microfilm Reel NL21098

Printer-Friendly Page

Langkah elak skuad nasional hilang fokus

SILAT SUKAN SEA Oleh: SAPARIN RASIKIN

PESILAT-PESILAT Skwad Sukan SEA tidak akan terlibat dalam Kejohanan Pencak Silat Nasional, yang dijadualkan berlangsung di Kelab Masyarakat Cairnhill, dari 6 Julai hingga 17 Ogos ini.

Malah, Persekutuan Silat Singapura (Persisi) memutuskan untuk menghadkan usia para peserta kejohanan ini antara 15 dengan 17 tahun.

Setiasaha Agung Persisi, Jamaludin Jamil, ketika diminta mengulas tentang keputusan ini, berkata: "Pesilat-pesilat skuad nasional sedang giat berlatih sebagai persiapan Sukan SEA dan kami menganggap pelibatan mereka dalam Kejohanan Nasional akan menjejaskan fokus mereka.

"Dengan menghadkan usia, Persisi berharap akan muncul para pesilat muda berbakat untuk menjadi pelapis kepada rakan-rakan senior mereka dalam skuad nasional yang ada sekarang."

"Langkah ini sejajar dengan program pembangunan belia Persisi, yang bertujuan menungkil dan mengasuh pesilat-pesilat yang berpotensi untuk diserapkan ke dalam pasukan nasional pada masa depan."

Sungguhpun dengan menghadkan usia penyertaan, kejohanan ini menarik 120 penyertaan - 40 pesilat Wiralaga (sila olahraga), 62 pesilat Seni Bela Diri bahagian solo dan beregu serta 18 pesilat Wiraloka Jurus Bebas - daripada 11 perguruan setempat.

"Persisi berharap dengan menghadkan usia penyertaan akan mendorong pesilat-pesilat muda untuk tampil bertanding tanpa berasa bimbang terpaksa berdepan dengan pesilat-pesilat nasional," jelas Jamaludin.

"Sebagai insentif, Persisi mungkin menghantar pesilat-pesilat yang berpotensi menyertai Kejohanan Belia Du-

“Langkah ini sejajar dengan program pembangunan belia Persisi, yang bertujuan menungkil dan mengasuh pesilat-pesilat yang berpotensi untuk diserapkan ke dalam pasukan nasional pada masa depan.”

— Setiasaha Agung Persisi, Jamaludin Jamil.

nia 1988 di Jakarta sempena sambutan Ulang Tahun Ke-50 Kajian Pencak Silat Indonesia.

"Selain daripada itu, mereka juga akan diserapkan ke dalam skuad nasional sebagai persiapan Sukan Asia 1988 di Bangkok dan seterusnya Sukan SEA 1999," tambah Setiasaha Agung Persisi itu.

Antara pesilat muda yang dijangka mendapat perhatian ialah pakar "TKO", Mohd Noor Rafi Mohd Ramli, bagi Kelas F (31-34kg) dan adiknya, Mohd Zulfikar, Kelas D (49-51kg). Seorang lagi pesilat muda dan saingan kepada Zulfikar ialah Mohamad Iskandar.

Peserta wanita pula ialah Nurhaya Iman dari Kelas D (42-45kg) dan Nurbaizura Mohd Khair dari Kelas C (45-48kg).

Anggota Parlimen GRC Kreta Ayer-Tanglin, Lew Syn Pau, menjadi tetamu terhormat dan akan menyaksikan kejohanan pada 10 pagi Ahad ini.

Kejohanan akan ditensekan pada 17 dan 20 Julai sementara pertandingan akhir bagi acara Wiraloka dan Wiralaga dijadualkan mulai 11 pagi dan 2 petang 17 Ogos ini.